

PRAVILNIK O SADRŽAJU I FORMI OBRASCA IZVJEŠTAJA O PROMJENAMA NA KAPITALU*

("Službene novine Federacije BiH", broj 81/21)

Član 1.

(Predmet)

(1) Ovim pravilnikom propisuje se forma i sadržaj pozicija u obrascu Izvještaj o promjenama na kapitalu (u daljem tekstu: "Izvještaj"), obveznici izrade ovog Izvještaja i način njegove prezentacije.

(2) Obrazac Izvještaja iz stava (1) ovog člana nalazi se u Prilogu ovog pravilnika, koji sadrži jednodimen-zionalni bar kod, čini njegov sastavni dio. Obveznici izrade i prezentacije Izvještaja su pravna lica sa sjedištem u Federaciji BiH (izuzev mikro i malih privrednih društava i neprofitnih organizacija), a kako je propisano Za-konom o računovodstvu i reviziji u Federaciji Bosne i Hercegovine ("Službene novine FBiH", broj: 15/21).

Član 2.

(Način popunjavanja)

(1) Prilikom popunjavanja Izvještaja koriste se podaci iz propisanih obrazaca Izvještaja o finansijskom po-ložaju na kraju perioda (Bilans stanja) i Izvještaja o ukupnom rezultatu za period (Bilans uspjeha), podaci nave-denii u bilješkama uz finansijske izvještaje i drugi podaci iz poslovnih knjiga.

(2) Svi iznosi u Izvještaju iskazuju se u konvertibilnim markama, bez decimala, tj. zaokruženjem na cijeli broj.

Član 3.

(Podaci)

(1) U Izvještaj se obavezno unose podaci za prethodni izvještajni period i podaci za tekući izvještajni period, klasifikovani u skladu sa Međunarodnim računovodstvenim standardima i Međunarodnim standardima finansijskog izvještavanja (u daljem tekstu: MRS/MSFI).

(2) Podaci o stanjima i promjenama na kapitalu se unose u odgovarajuće polje koje se nalazi na presjeku odgovarajuće pozicije sa oznakom za AOP i odgovarajuće kolone Izvještaja, prema vrstama promjena na kapitalu koje su navedene u koloni 1, odnosno zaglavlju Izvještaja.

(3) Kolone 10 i 11 popunjavaju samo pravna lica koji pripremaju konsolidovane finansijske izvještaje, budući da u skladu sa MRS 1 imaju obvezu da odvojeno iskažu iznose kapitala koji pripadaju vlasnicima matičnog društva i iznose koji pripadaju vlasnicima manjinskih interesa.

Član 4.

(Kolona 3)

(1) U kolonu 3 Izvještaja, unose se promjene na vlasničkom kapitalu, a koji prema obliku organizovanja pravnog lica može biti: dionički kapital, vlasnički udjeli u društvu sa ograničenom odgovornošću, državni kapital, te drugi oblici vlasničkog kapitala.

(2) U kolonu 3 Izvještaja, na pozicije AOP 908 i 920, unose se povećanja dioničkog kapitala po osnovu emisijske dionica, odnosno povećanja vlasničkih udjela, kao i ostala povećanja dioničkog/vlasničkog kapitala izvršena u skladu sa zakonskim propisima.

(3) U kolonu 3 Izvještaja, na pozicije AOP 909 i 921, unose se sticanja vlastitih dionica, kao i smanjenja dioničkog/vlasničkog kapitala izvršena u skladu sa zakonskim propisima.

(4) U kolonu 3 Izvještaja, na pozicije AOP 901, 904, 913, 916 i 925, unose se stanja na kontima dioničkog/vlasničkog kapitala, utvrđena u Izvještaju o finansijskom položaju na kraju perioda.

Član 5.

(Kolona 4)

(1) U kolonu 4 Izvještaja, na pozicije AOP 908, 909, 920 i 921, unose se iznosi dioničke premije (ažio/dis-žio) utvrđeni prilikom emisije dionica, te smanjenje ili povećanje dioničke premije u postupcima poništavanja ili ponovne prodaje prethodno stečenih vlastitih dionica.

* Pravilnik je objavljen u "Službenim novinama Federacije BiH", broj 81/21 od 11. oktobra 2021. godine, stupio je na snagu 12. oktobra 2021. godine, a primjenjuje se počevši od finansijskih izvještaja za periode koji počinju 01.01.2022. godine i nakon toga. Pravilnik je donijet na osnovu člana 39. stav (3) Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 15/21).

Federacija Bosne i Hercegovine

(2) U kolonu 4 Izvještaja, na pozicije AOP 901, 904, 913, 916 i 925, unose se stanja dioničke premije, utvrđena u Izvještaju o finansijskom položaju na kraju perioda.

Član 6.

(Kolona 5)

(1) U kolonu 5 Izvještaja, na pozicije AOP 911, 912, 922 i 923, unose se povećanja ili smanjenja statutarnih rezervi, rezervi formiranih iz dobiti i ostalih rezervi formiranih na temelju odluke organa upravljanja, u skladu sa lokalnim propisima, bilo da je riječ o raspodjeli dobiti, pokriću gubitka ili direktnoj novčanoj uplati rezervi.

(2) U kolonu 5 Izvještaja, na pozicije AOP 901, 904, 913, 916 i 925, unose se stanja ovih rezervi, utvrđena u Izvještaju o finansijskom položaju na kraju perioda.

Član 7.

(Kolona 6)

(1) U kolonu 6 Izvještaja, na pozicije AOP 906 i 918, unose se efekti povećanja ili smanjenja revalorizacionih rezervi za nekretnine, postrojenja i opremu, u skladu sa MRS 16.

(2) U kolonu 6 Izvještaja, na pozicije AOP 901, 904, 913, 916 i 925, unose se stanja ovih revalorizacionih rezervi, utvrđena u Izvještaju o finansijskom položaju na kraju perioda.

Član 8.

(Kolona 7)

(1) U kolonu 7 Izvještaja, na pozicije AOP 906 i 918, unose se efekti promjene vrijednosti finansijske imovine koja se mjeri po fer vrijednosti kroz ostalu sveobuhvatnu dobit, u skladu sa MSFI 9.

(2) U kolonu 7 Izvještaja, na pozicije AOP 901, 904, 913, 916 i 925, unose se stanja ovih revalorizacionih rezervi, utvrđena u Izvještaju o finansijskom položaju na kraju perioda.

Član 9.

(Kolona 8)

(1) U kolonu 8 Izvještaja, na pozicije AOP 906 i 918, unose se efekti povećanja ili smanjenja revalorizacionih rezervi za nematerijalnu imovinu (MRS 38), efekte promjene deviznih kurseva (MRS 21) i transakcije zaštite novčanih tokova, te ostalih revalorizacionih rezervi.

(2) U kolonu 8 Izvještaja, na pozicije AOP 901, 904, 913, 916 i 925, unose se stanja ovih revalorizacionih rezervi, utvrđena u Izvještaju o finansijskom položaju na kraju perioda.

Član 10.

(Kolona 9)

(1) U kolonu 9 Izvještaja, na pozicije AOP 902 i 903, unose se efekti retroaktivne primjene promjene računovodstvenih politika, odnosno efekti retroaktivnog prepravljanja iznosa priznatih u skladu sa MRS 8 (ispravljanja grešaka iz prethodnih perioda). Na pozicije AOP 914 i 915, unose se efekti retroaktivne primjene promjene računovodstvenih politika, odnosno efekti retroaktivnog prepravljanja iznosa priznatih u skladu sa MRS 8 (ispravljanja grešaka iz prethodnih perioda), isključivo ukoliko je tako propisano određenim MSFI ili ukoliko je neizvodljivo utvrditi efekte koji se unose na pozicije AOP 902 i 903.

(2) Ukoliko se efekti opisani u stavu (1) ovog člana, djelimično ili u potpunosti odnose na revalorizacione rezerve za nekretnine, postrojenja i opremu, revalorizacione rezerve za finansijsku imovinu mjerenu po fer vrijednosti kroz ostali ukupni rezultat ili ostale revalorizacione rezerve, isti se unose u kolone 6, 7 ili 8 Izvještaja, na spomenute pozicije AOP.

(3) U kolonu 9 Izvještaja, na pozicije AOP 905 i 917, unose se dobici ili gubici perioda, utvrđeni u Izvještaju o ukupnom rezultatu za period.

(4) U kolonu 9 Izvještaja, na pozicije AOP 910 i 922, unose se smanjenja dobiti po osnovu objavljenih dividendi i učešća u raspodjeli dobiti.

(5) U kolonu 9 Izvještaja, na pozicije AOP 911 i 923 unose se smanjenja dobiti za izdvajanja u rezerve, kao i smanjenja akumuliranih gubitaka po osnovu pokrića gubitaka iz rezervi.

(6) U kolonu 9 Izvještaja, na pozicije AOP 908, 909, 920 i 921 unose se smanjenja dobiti u svrhu povećanja dioničkog/vlasničkog kapitala, kao i smanjenja akumuliranih gubitaka po osnovu pokrića gubitaka iz dioničkog/vlasničkog kapitala.

(7) U kolonu 9 Izvještaja, na pozicije AOP 901, 904, 913, 916 i 925, unose se stanja neraspoređene dobiti, odnosno nepokrivenih gubitaka, utvrđena u Izvještaju o finansijskom položaju na kraju perioda.

Član 11.

(Kolona 10)

U kolonu 10 Izvještaja unose se zbirovi pozicija uključenih u kolone 3 do 9 Izvještaja, za svaki AOP pojedinačno.

Član 12.

(Kolona 11)

U kolonu 11 Izvještaja, na odgovarajuće pozicije AOP, matična društva koja pripremaju konsolidovane finansijske izvještaje unose iznose koji pripadaju vlasnicima manjinskih interesa.

Član 13.

(Kolona 12)

U kolonu 12 Izvještaja, matična društva koja pripremaju konsolidovane finansijske izvještaje unose zbirove pozicija iskazanih u kolonama 10 i 11, za svaki AOP pojedinačno.

Član 14.

(Primjena Izvještaja)

Danom početka primjene ovog pravilnika, prestaje da važi Pravilnik o sadržaju i formi obrazaca izvještaja o promjenama na kapitalu ("Službene novine Federacije BiH", br. 82/10 i 3/21).

Član 15.

(Stupanje na snagu)

Ovaj Pravilnik stupa na snagu narednog dana od dana objave u "Službenim novinama Federacije BiH", a primjenjivat će se počevši od finansijskih izvještaja za periode koji počinju 01.01.2022. godine i nakon toga.

Identifikacioni broj za direktnе poreze
Identifikacioni broj za indirektnе poreze
Šifra djelatnosti po KKD BiH 2010
Šifra djelatnosti po SKD
Šifra opštine

Naziv pravnog lica
Sjedište i adresa pravnog lica
Djelatnost
Naziv banke
Broj računa

IZVJEŠTAJ O PROMJENAMA NA KAPITALU

za period koji završava na dan _____, godine

M.P. _____
Mjesto _____
Datum _____
Brać licenca _____
Kontakt _____
Certificirani racunovodja _____
Direktor _____
Kontrolni broj _____

Izveštaj o promjenama na kapitalu

Za period količine završavanja dan 20 godine

Vrsta proujene na kapitalu	Kapital koji pruža vlasnička matično država						(u KM)
	Dionički kapital - vlasnički učlan - Ostali vlasnički kapital	Dionička premija	Rezerve	Reakvizicijske rezerve za nakretne, postrojene i opreme	Ostale reakvizicijske rezerve	Akumulirana neraspoređena dobit / (nepokretni gubitak)	
1.	2.	3.	4.	5.	6.	7.	8.
1. Stanje na kraju perioda na dan <u>31.12.20</u> godine	9.0.1					9	10
2. Efekti ratifikacije pomerije, izmene i promjene razinu odstotnih udjela	9.0.2						
3. Efekti ratifikacije proračunala između priznatih i stekotih sa IFRS 3	9.0.3						
3. Ponovo iskazano stanje na početku perioda (19.01.20) - godine (90.450.550.3)	9.0.4						
5. Dobit (gubitak) za period	9.0.5						
6. Ostali ukupni rezultati za period	9.0.6						
7. Ukupni rezultat (495.566)	9.0.7						
8. Efekti dionica i vlastitih udjela oblikovane u manje od 5% kapitala	9.0.8						
9. Ustavne i vlastitne rezerve, drugi oblikovani u manje od 5% kapitala	9.1.0						
10. Objavljene akcijske rezerve	9.1.1						
11. Drugi dobiti i gubitci dobiti i gubitci gubitka	9.1.1						
12. Ostale primjene	9.1.2						
13. Stanje na kraju perioda na dan <u>31.12.20</u> - godine (94.450.074.905.909.910.591.591.2)	9.1.3						
14. Efekti ratifikacije proračunala između priznatih i stekotih sa IFRS 3	9.1.4						
15. Efekti ratifikacije proračunala između stekotih i stekotih sa IFRS 3	9.1.5						
16. Ponovo iskazano stanje na početku perioda (19.01.20) - godine (91.394.515)	9.1.6						
17. Dobit/gubitak za period	9.1.7						
18. Ostali ukupni rezultati (-491.566)	9.1.8						
19. Ukupni rezultat (-491.566)	9.1.9						
20. Efekti dionica i vlastitih udjela oblikovani u manje od 5% kapitala	9.2.0						
21. Sticanje vlastitih udjela i drugih oblici smanjenja vlasništva kapitala	9.2.1						
22. Objavljene i uvedene dobiti i gubitci	9.2.2						
23. Drugi dobiti i gubitci	9.2.3						
24. Ostale primjene	9.2.4						
25. Stanje na kraju perioda na dan <u>31.12.20</u> - godine (91.659.194.920.921.922.591.359.4)	9.2.5						